


證治準繩

幼科集之二上

漢書門			
一	二	三	四
八	〇	一	〇
冊	架	函	號

內閣文庫			
三	〇	一	〇
函	架	冊	號

內閣文庫	
番號	漢 12548
冊數	80 (46)
函號	301 61



肝

金壇王肯堂宇泰甫輯

肝

錢肝生風 實則目直大叫呵欠項急頓悶 虛則

咬牙多欠氣熱則外生氣溫則內生 肝病哭叫目

直視呵欠頓悶項急 外生感風呵欠頓悶口中氣

熱當發散大青膏主之若能食飲水不止當大黃丸

微下之餘不可下 肝熱手尋衣領及亂捻物瀉青

丸主之壯熱飲水喘悶瀉白散主之 肝有風目連

肝 割不搖得心熱則搖治肝瀉青丸治心導赤散 肝
有熱目直視不搖得心熱則搖治肝瀉青丸治心導
赤散 肝有風甚身反折彊直不搖心不受熱也當
補腎治肝補腎地黃丸治肝瀉青丸 凡病或新或
久皆引肝風風動而上於頭目目屬肝風入於目上
下左右如風吹不定兒不能任故目連劄也若熱入
於目牽其筋脉兩皆俱緊不能轉視故目直也若得
心熱則搖以其子母俱有實熱風火相搏故也潔古曰肝
主謀勇熱則尋衣捨物日連劄直視不能轉視或極
則身反折皆風熱也日者肝之竅屬木木性急
是故如 肝病秋見目瞽一作肝強勝肺肺怯不能勝肝當

補脾肺治肝益脾者毋令子實故也補脾益黃散治
肝瀉青丸主之 肝病春見一作肺勝肝當補腎肝
治肺臟肝怯者受病也補肝腎地黃丸治肺瀉白散
主之 五臟相勝輕重肝病見秋木旺肝勝肺也宜
補肺瀉肝輕者肝病退重者唇白而死 婁五臟相
勝病隨時令乃錢氏擴充內經藏氣法時論之旨實
發前人所未發者也假如肝病見於春及早晨乃肝
自病於本位也今反見於秋及日瞽肺之位知肺虛
極肝往勝之故當補脾肺瀉肝也餘倣此 潔肝主
風自病則風搖拘急急食甘以緩之佐以酸苦以辛

散之 實則風搖力大瀉青丸主之 虛則風搖力
小地黃丸主之 心乘肝實邪壯熱而搖利驚丸涼
驚丸主之 肺乘肝賊邪氣盛則前伸呵欠微搖法
當瀉肺先補本臟補肝地黃丸主之瀉肺瀉白散主
之 脾乘肝微邪多睡體重而搖先當定搖瀉青丸
主之搖止再見後證則別立法治之 腎乘肝虛邪
增寒呵欠而搖羗活膏主之 劉凡肝得病必先察
其肺腎兩臟根其病之所起然後審其肝家本臟之
虛實方可治療然腎者肝之母金者木之賊今肝之
得病若非腎水之不能相生必是肺金之鬼來相攻

擊不得不詳審而求之故其來在肺先治其肺攻其
鬼也其來在腎先補其腎滋其根也然後審其肝家
本臟之虛實而寒溫之 薛若肝經實熱而外生風
者宜用大青膏散之若既服而前證仍作或益甚者
此邪氣已去而脾氣虧損也宜用異功散加芎歸補
之若肝經虛熱或因尅伐而内生風者宜用異功散
地黃丸補之若風邪入臟能食飲冷大便秘結者此
邪氣內實也宜用大黃丸下之若既下而食少飲湯
或腹作脹者此脾氣內虛也宜用白朮散補之氣血
素弱或因病後或服攻伐之劑而手尋衣領咬牙呵

欠目淡青者乃肝經虛甚也急用地黃丸以補腎肝
哽氣短氣長出氣乃肺經虛甚也急用異功散以補
脾肺若申酉時叫哭直視呵欠頓悶項急驚悸手足
搖動發熱飲水者此風火相搏而勝肺金也用柴胡
梔子散以治肝火生肝血用異功散補脾土生肺金
若唇白者為脾絕不治

海肝苦急急食甘以緩之甘草 肝欲散急食辛以
散之川芎 以辛補之細辛 以酸補之芍藥 肝
虛以生薑陳皮之類補之虛則補其母腎者肝之母
也以熟地黃栢補腎如無他證錢氏地黃丸補之

補肝丸四物湯內加防風羌活等分為細末煉蜜為
丸是也 鎮肝丸即瀉青丸去梔子大黃是也治肝
虛錢氏補腎地黃丸 肝實以白芍藥瀉之如無他
證錢氏瀉青丸主之實則瀉其子心乃肝之子以甘
草瀉心

瀉青丸錢氏 又名瀉肝丸

當歸去蘆 焙

龍膽焙

川芎

山梔子仁

川大黃濕紙 裹煨

羌活

防風上等蘆各 等分

右為末煉蜜和丸芡實大每服半丸至一丸煎竹

肝
葉湯同沙糖温水化下

薛前方足厥陰經解散肌表疎通內熱之藥也若
大便秘結煩渴飲冷飲食如常者屬形病俱實宜
用此以瀉之若大便調和煩渴飲冷日淡青色屬
病氣實而形氣虛宜用抑肝散平之若大便不實
作渴飲湯飲食少思肢體倦怠者屬形病俱虛宜
用地黃丸補之

抑肝散 治肝經虛熱發搐或發熱咬牙或驚悸寒
熱或木乘土而嘔吐痰涎腹脹少食睡卧不安

軟柴胡

甘草 各任分

川芎 捌分

當歸

白朮 炒

茯苓

鈞藤鈎 各壹錢

右水煎子母同服 如蜜丸名抑青丸

大青膏

方見驚搖

大黃丸

方見腹脹

異功散

方見吐瀉

白朮散

方見瀉

柴胡梔子散

方見諸熱

利驚丸

涼驚丸

羌活膏

三方俱見驚搖

洗心散

赤蘘散

大便秘結煩渴飲冷

赤心散

有身熱少腹實

柴胡散

精熱

保嬰散

看大便不實

吳茱萸散

吐酸

白朮散

形似虛宜

大青膏

熱

大黃散

熱非

甘草煎干同煎

咬蜜丸各味膏丸

陰煎散

各盡

清調

白朮

茯苓

驚馬

妻驚搐一也而有晨夕之分表裏之異身熱力大者為急驚身冷力小者為慢驚仆地作聲醒時吐沫者為癩頭目仰視者為天弔角弓反張者為瘳而治各不同也

早晨發搐

藏何旺時補瀉法

錢因潮熱發搐在寅卯辰時者此

肝用事之時也身體壯熱目上視手足動搖口内生熱涎項頸強急此肝旺也當補腎治肝補腎地黃丸

方見腎部

治肝瀉青丸

方見肝部

薛寅卯辰時搐而發熱作

女醫早晨發搐

刀斗二

渴飲冷便結屬肝膽經虛熱用柴芍參苓散作渴引
飲自汗盜汗屬肝膽經血虛用地黃丸口吻流涎屬
肝木尅脾土用六君子湯一小兒寅卯時發熱痰
搐服抱龍丸而愈後復患因自用前藥更加咳嗽氣
喘不時發搐面赤或青黃或浮腫或流涎余謂咳嗽
氣喘乃脾肺氣虛不時發搐乃木乘土位面青而黃
赤乃肝助心脾浮腫流涎乃脾氣虛弱用益智丸以
補心神補中益氣湯以養脾肺頓愈

錢因潮熱發搐在巳午未時者此心用事之時也心
惕目上視白睛赤色牙關緊急口內涎生手足動搖

此心旺也當補肝治心導赤散涼驚丸補肝地

貝丸 廣親宅七太尉方七歲潮熱數日欲愈錢謂

又二大三曰七使潮熱將安八使預防驚搐王怒曰
但使七使愈勿言八使病錢曰八使過來日午間即
無苦也次日午前果作搐急召錢治之三日而愈蓋
預見其目直視而顙赤必肝心俱熱更坐石杌子乃
欲就冷此熱甚也又肌膚素肥盛而本實其脉急促
故發搐尅言午時者自寅至午皆心肝用事之時治
之乃瀉心肝補腎自安矣 薛巳午未時發搐若兼
作渴飲水屬風火相搏以地黃丸補肝導赤散涼驚

九治心若作渴飲湯體倦不乳土虛而木旺也用地
黃丸以補腎六君子湯以補脾 一小兒巳午時搐
熱驚悸發時形氣倦怠而黃懶食流涎飲湯此心火
虛而不能生脾土也不信自服涼心之藥更加吐瀉
睡而露睛幾成慢脾風用六君薑桂佐以地黃丸而
愈 一小兒七歲驚搐發熱不已巳午未時益甚形
氣殊倦熱定飲湯此心脾氣虛朝用補中益氣湯加
益智仁夕用六君當歸鈞藤鈞尋愈後飲食過多復
作吐瀉或治以保和丸反加寒熱發搐此脾土復傷
而肝木所侮也用六君柴胡寒熱止而飲食進但午

未時仍泄用補中益氣湯加茯苓半夏鈞藤鈞愈

發搐

因潮熱發搐在申酉戌時者此肺用事之時也不

甚搐而喘目微斜視身熱如火睡露睛手足冷大便

淡黃水是肝旺當補脾益黃散方見脾部治肝瀉青丸治

心導赤散潔古云脾病肝強法當補脾恐木賊害宜先瀉心肝以挫其強而後補脾為當

徐氏子三歲病潮熱每日西則發搐身微熱而目微

斜露睛四肢冷而喘大便微黃請錢與李同治錢問

李曰病何搐也李曰有風何身熱微溫曰四肢所作

何目斜睛露曰搐則目斜何肢冷曰冷厥心內熱曰

何喘曰搐之甚也曰何以治之曰涼驚丸鼻中灌

必搖止錢又問曰既謂風病溫壯搖引目斜露睛內
熱支冷及搖甚而喘併以何藥治之李曰皆此藥也
錢曰不然搖者心肝實也身微熱者日西肺用事之
時也肺主身溫今日熱者肺虛也日微邪露睛者肝
肺相乘勝也四肢冷者脾虛也肺若虛甚則脾母亦
弱木氣乘脾四肢即冷治之當先補脾肺用益黃散
阿膠散得脾虛證退然後治其心肝瀉青丸導赤
散涼驚丸治之九日愈薛申酉戌時微搖而喘日
微斜身似熱睡而露睛大便淡黃屬脾肺虛熱用異
散手足逆冷或喘瀉不食屬脾肺虛寒用六君炮

薑木香久病而元氣虛者用六君子六味丸二藥主
之

夜間發搖

錢因潮熱發搖在亥子丑時者此腎用事之時也不
甚搖而卧不穩身體溫壯目睛緊斜視喉中有痰大
便銀褐色乳食不消多睡不省當補脾治心補脾益
黃散治心導赤散涼驚丸潔古云皆因大病後脾胃虛損多有此疾薛
亥子丑時微搖身熱目睛緊斜吐瀉不乳厥冷多睡
屬寒水侮土用益黃散未應用六君薑桂

表

表錢傷風發搖因傷風後得之口中氣出熱呵欠
頓悶手足動搖當發散大青膏主之小兒生來怯弱

夜間發搖

方十二

者多此病也。潔傷風發搐因傷風而得之證同大人傷風寒痰之類當辨有汗無汗陰陽二證用大青膏小續命之類開經則愈。大青膏陰證小續命陽證也。薛傷風發搐口氣不熱肢體倦怠用異功散補脾土釣藤飲清肝木若因風邪內鬱發熱而變諸證者當理肺金清風邪若外邪既解而內證未除當理肺補脾若肺經虧損而致驚搐等證者當補脾肺以平肝心則驚搐自止矣。一小兒月內發搐鼻塞乃風邪所傷以六君子湯加桔梗細辛子母俱服更以葱頭七莖生薑一片細搗攤紙上合置掌中令熱急貼額門少頃

鼻利搐止

大青膏

天麻 末壹分

白附子 末生壹錢半 青黛 壹錢

蝎尾 去毒生末

烏蛇稍肉 酒浸焙乾取末各半錢

朱砂 研

天竺黃 研

右同再研細生蜜和成膏每服半皂子大至一皂子大月中兒粳米大同牛黃膏温薄荷水化一處服之五歲已上同甘露散服之

小續命湯 方見中風

裏錢傷食發搐因傷食後得之身體温多唾多睡或吐

效書 未舉 刀斗二

不思乳食而發搐當先定搐搐退白餅子方見下之

後服安神丸方見心臍潔傷食發搐謂不因他證忽然

而搐此因飲食過度致傷脾胃故兒多睡多吐不思

飲食脾胃既虛引動肝風則發搐當先定其搐如羗

活防風煎下瀉青丸後用白餅子其食漸漸用調

中丸方見腹痛異功散此瀉養其氣前停食發搐嘔吐

乳食者宜用消食丸若食既消而前證仍作或變他

證者脾土傷而肝木乘之也用六君子加釣藤鈎以

健脾胃肝消食丸方見傷食垣外物驚宜鎮平之以黃連安神丸若氣動所驚宜

寒水石安神丸嬰外物驚者元氣本不病故治以

黃連安神之苦寒氣動驚者不因外物驚元氣自有

病故治以寒水石安神之甘寒也

黃連安神丸

黃連淨酒炒壹錢半

朱砂細研水飛

生地黄

當歸各壹錢

甘草炙伍分

右為極細末蒸餅和丸如黃米大每服十九津下

寒水石安神丸即錢氏安神丸方見心臍

鎮心丸 涼心經治驚熱痰盛

甜硝白者

人參去蘆取朱各壹兩 甘草炙

驚

寒水石

燒各壹兩半

乾山藥

白者

白茯苓

各貳兩

朱砂

壹兩

龍腦

麝香

各壹錢三味俱研

右為末熟蜜丸如雞頭大如要紅入坯子臙脂二

錢臙脂温水化下半丸至一二丸食後

急慢驚風論

小兒急慢驚風古謂陰陽癇也急者屬

陽陽盛而陰虧慢者屬陰陰盛而陽虧陽動而躁疾陰靜而遲緩皆因臟腑虛而得之虛能發熱熱則生風是以風生於肝痰生於脾驚出於心熱出於肝而心亦熱以驚風痰熱合為四證搐搦掣顛反引窺視為八候凡眨眼搖頭張口出舌唇紅臉赤面眼唇青

及瀉皆青髮際印堂青筋三關虎口紋紅紫或青者皆驚風候也大抵肝風心火二者交爭必挾心熱而後發始於搐故熱必論虛實證先分逆順治則有後先蓋實熱為急驚虛熱為慢驚慢驚當無熱其發熱者虛也急驚屬陽用藥以寒慢驚屬陰用藥以温然又必明淺深輕重進退疾徐之機故曰熱論虛實者此也男搐左視左女搐右視右男眼上窺女眼下窺男握拇指出外女握拇指入裏男引手挽左直右曲女引手挽右直左曲凡此皆順反之則逆亦有先搐左而後雙搐者但搐順則無聲搐逆則有聲其指紋

驚

卷之二

二

驚弓入裏者順反外者逆出入相半者難痊故曰證
分逆順者此也陽病陰脉陰病陽脉亦爲反凡熱盛
生痰痰盛生驚驚盛生風風盛發搐治搐先於截風
治風先於利驚治驚先於豁痰治痰先於解熱其若
四證俱有又當兼施竝理一或有遺必生他證故曰
治有先後者此也綱領如此若分三者言之暴烈者
爲急驚沉重者爲慢驚至重者肝風木之尅脾土則
爲慢脾風矣 婁急驚證屬木火土實也木實則搐
而力大目上目劓所謂木太過曰發生其動掉眩癲
痼是也火實則身熱面赤土實則不吐瀉睡合睛故

其治法合涼瀉而用涼驚丸利驚丸之類慢驚證屬
木火土虛也木虛則搐而力小似搐而不甚搐經所
謂木不及曰委和其病搖動注恐是也謂手足搐動
腹注泄心恐悸也火虛則身冷口氣冷土虛則吐瀉
睡露睛故其治法合溫補而用羌活膏益黃散有熱
者用東垣黃耆益黃散其東垣非錢氏羌活膏治慢
驚者謂土虛泄瀉火木乘之謂手掌與腹俱熱之證
若火木土俱虛而搖動恐悸注瀉手腹冷者非羌活
膏不能治之 丹小兒驚風有二急驚屬痰熱宜涼
瀉慢驚屬脾虛所主多死宜溫補急驚用降火下痰

九養血藥作湯下之慢驚當補脾兼用朱砂安神丸
清米湯下更於血藥中求之如四物四君東垣黃耆益黃散之類世以
一藥通治之甚妄

急驚急驚之候亦曰真搐牙關緊急壯熱涎潮竄視
反張搐搦顛動唇口眉眼引頻併口中氣冷臉赤
唇紅大小便黃赤其脉浮數洪緊此內挾實熱外感
風邪心家受熱積驚肝家生風發搐肝風心火二藏
交爭血亂氣并痰涎壅盛百脉凝滯關竅不通風氣
蕃盛無所發泄故暴烈也又有搐搦反張斜視而牙
關不緊口無痰涎而氣熱未可直指以為驚風恐是

傷風傷寒夾食夾驚疹痘等證此即錢氏假搐之說
又各依本證施治矣又急驚搐搦不可把握但扶持
之否則風癘逆入經絡遂使手足拘攣成廢疾 **錢**
急驚因聞大聲或大驚而後發搐發過則如故此無
陰也當下利驚丸主之 急驚本因熱生於心身熱
面赤引飲口中氣熱大小便黃赤劇則發搐蓋熱甚
則風生風屬肝此陽盛陰虛也故利驚丸主之以除
其痰熱不可用巴豆及溫藥大下之恐搐虛熱不消
也小兒熱痰客於心胃因聞大聲非常則動而驚搐
矣若熱極雖不聞聲及驚亦自發搐 **閻氏**云急驚

驚
內有熱卽生風又或因驚而發則目上連劄潮涎搐
搦身體與口中氣皆熱及其發定或睡起卽了如
故此急驚證也當其搐勢漸減時與鎮心治熱之藥
一二服如麝香丸鎮心丸抱龍丸辰砂丸紫雪之類
候驚勢已定須臾以藥下其痰熱如利驚丸軟金丹
桃枝丸之類利下痰熱心神安寧卽愈 潔古云急
驚者陽證也俱腑受病熱痰客於心肺是少陽相火
旺經云熱則生風因聞大聲而作蓋謂東方震卦得
火氣而發搐火本不動焰得風而動當用利驚丸導
赤散瀉青丸地黃丸搐止宜服安神丸 垣治驚大

忌防風丸防風辛溫之藥必殺人何也辛散浮溫熱
者火也能令母實助子之氣盛皆殺人也如因驚而
瀉青色先鎮肝以朱砂之類勿用寒涼之藥大禁涼
驚丸風木旺必尅脾胃當先實其土後瀉其子 丹
急驚風發熱口噤手足心伏熱痰嗽喘竝用涌法
重則用瓜蒂散輕則用苦參赤小豆末以酸壅汁調
服候少定用通聖散蜜丸服之間以桑樹上桑牛陰
乾研末調服以平其風 桑牛比楊牛則色白黃者是 又以北薄荷
葉寒水石各壹兩青黛白殭蠶辰砂各壹錢全蝎貳
枚豬牙皂角槐角各伍分竝爲末燈心湯和乳汁灌

之角弓反張目直視因驚而致宜南星半夏入薑汁
 竹瀝灌之更灸印堂 初驚用防風導赤散生乾地
 黃川木通防風甘草等分用竹葉參錢煎服須用寧
 神膏麥門冬去心天竹黃茯神朱砂各壹兩麝香壹
 錢各搗研極細煉蜜和捏作小餅子臨卧薄荷湯化
 下一夜一餅 老醫常言小兒驚搐多是熱證若先
 便用驚風藥白附子全蝎僵蠶川烏之類便是壞證
 後有醫幼科者只用導赤散加地黃防風進三服導
 去心經邪熱其搐便止次服寧神膏神効從孫道潤
幼時患驚
搖甚危延京口諸有名幼科醫療之益困篤其祖易
菴兄求方於余以是授之二服立愈自後常以救人

無不効者恐人
忽易故著之

曾急驚之論前代書所不載惟曰

陽癇大槩失所愛護或抱於當風或近於熱地晝則
 食多辛辣夜則衾蓋太厚鬱蒸邪熱積於心傳於肝
 再受人物驚觸或跌撲叫呼雷聲鼓樂雞鳴犬吠一
 切所驚未發之時夜卧不穩困中或笑或哭齧齒齩
 乳鼻額有汗氣促痰喘忽爾悶絕目直上視牙關緊
 急口噤不開手足搐掣此熱甚而然况兼面紅脉數
 可辨蓋心有熱而肝有風二藏乃陽中之陽心火也
 肝風也風火陽物也風主乎動火得風則煙焰起此
 五行之造化二陽相鼓風火相搏肝藏魂心藏神因

驚則神竅易動故發驚也心主乎神獨不受觸遇有驚則發熱熱極生風故能成搐名曰急驚治之之法先以五苓散加黃芩甘草水煎或百解散發表次通心氣木通散三解散疎滌肝經安魂退熱牛蒡湯防風湯主之驚風既除之後輕者投半夏丸重者下水晶丹與之去痰免成癡疾但不可用大寒涼藥治之熱去則寒起亢則害承廼制若倉卒之間驚與風證俱作只用五苓散加辰砂末薄荷湯調服少解其證蓋五苓散內有澤瀉導小便心與小腸爲表裏小腸流利心氣得通其驚自減內有桂木得桂則枯是以能抑肝之氣其風自停况佐以辰砂能安神竅兩得其宜大略要解熱涼心肝後惟可用平和湯散調理稍熱之劑則難用醫者宜審之愚嘗感慨諸人每見驚風搐作不明標本混爲一證遽然全用金石腦麝蜈蠶蛇蝎大寒搜風等劑投之耗傷真氣其證愈甚多致弗救殊不知驚生於心風生於肝搐始於氣是爲三證其驚與風首已詳及然所謂畜氣而成搐陳氏之論最爲明理但未著其方余於此證則用寬氣飲治之只以松殼枳實爲主蓋其氣也四時平和則身安一息壅滯則疾作况小兒啼哭不常其氣蘊

蓄內則不能升降外則無由發泄展轉經時亦能作
搐善醫者審察病源從而療之萬無一失更辨陰陽
虛實不可輕忽若陽實證煎五和湯調三解散主之
此急驚有搐之類若陰虛證煎固真湯調寬氣飲治
之此慢驚有搐之類若暴感此證未別陰陽虛實先
用五苓散和寬氣飲及少加寬熱飲三藥合用薑汁
沸湯調灌卽解大抵治搐之法貴以寬氣爲妙氣順
則搐停此自然之理 大凡幼穉欲令常時驚悸不
作在乎腎藏和平故戴氏曰治驚不若補腎謂心屬
火火性燥得肝風則煙焰起致生驚悸補腎則水升
火降邪熱無侵雖有肝風不生驚駭其法當於申時
進補腎地黃丸一服或琥珀抱龍丸用申時者蓋水
生於申佐之以藥則腎水得平心火不炎自無驚矣
鈴方治法大要用藥有次序有輕重通關以後且
與截風定搐風搐既定却下痰熱理爲至當若患在
痰熱未有驚風只可退熱化痰不可妄投驚風藥蓋
藥中多用寒涼恐引入痰熱入經絡凡病在熱不可
妄治痰止當解表病在驚不可妄治風蓋驚由痰熱
得只可退熱化痰而驚自止病在痰不可便治驚急
須退熱化痰病在風不可便治搐蓋風由驚作只可

利驚化痰其風自散若也有搐須用截風散驚至妙之道若治驚而痰不化熱亦不退驚安得自止化痰其痰熱若不退風亦不散痰安得去是知不治之治所以治之之謂歟急驚初傳風搐得定而痰熱一泄又須急與和胃定心之劑若搐定而痰熱無多則但用輕藥消痰除熱可也然急驚雖當下切不可過用寒涼及水銀輕粉巴豆芒硝等蕩滌太驟或當劑之皆不得已但使疾去即止或不當用而用或可用而過焉由此遂成慢驚矣且如只下痰熱不必太驟但斟酌處用大黃一品足矣且急驚證源在於去肝風降

心火匆匆書以為至要之說也 薛急驚之候牙關

緊急壯熱涎湧竄視反張搐搦顛動口中氣熱頰赤唇紅脉浮洪數者此肝經血虛火動生風蓋風生則陰血愈散陰火愈熾火動則肺金愈虧肝木愈盛宜滋肝血養脾氣若屢服祛風化痰瀉火辛散之劑便宜認作脾虛血損急補脾土若風火相搏抽搐目瞤筋急痰盛者用四物湯以生肝血加釣藤鈎山梔仁以清肝火更用四君子以補脾六味丸以滋腎若肺金尅木而兼呵欠者用瀉白散以泄肺邪地黃丸以益肝血若邪入肝則用柴胡清肝散加龍膽草亦可

女急驚

刀斗

九

邪入心用梔子清肝散加炒黃連亦通邪入腎用六
味地黃丸邪入肺用地骨皮散邪入脾用六君子加
柴胡山梔若不養肝血不補脾氣純用祛風化痰之
藥不已則脾益虛血益損邪氣延綿必傳慢驚矣
初有痰熱未有驚風先且解表祛肝風降心火
和劑香蘇散解肌加乾葛見傷寒太陽症
參蘇飲 解驚風煩悶痰熱作搐咳嗽氣逆脾胃不

和

人參 去蘆

紫蘇 和梗

前胡 去蘆

乾葛

半夏

赤茯苓 去皮各半錢半

枳殼

陳皮 去白

桔梗 剉炒

甘草 各伍錢

鈴方去人參加川芎

右剉每服二錢水一鍾薑二片煎七分無時溫服

人參羌活散 治初作急驚散風邪除風熱

羌活

獨活

柴胡

川芎

人參

甘草 炙

白茯苓 各壹兩

前胡

桔梗

地骨皮

天麻 酒浸焙各半兩

枳殼 壹兩炒

右咬咀每服一錢水半盞薑一片薄荷一葉棗半

箇煎服疹痘未發亦可服直指方每服三字末紫

急驚

八十二

一

蘇薄荷湯調搗掣緊急者去節麻黃煎湯調或惺

惺散加荆芥防風亦可免得遽施腦麝

惺惺散 除風熱及傷寒時氣瘡疹發熱

白茯苓

淨

細辛

桔梗

栝蒌根

人參

甘草炙

白木

川芎各等分

右為末每服一錢水半盞薑一片薄荷三葉同煎

湯氏細辛減半

獨活湯 治胎驚發散風邪

羌活

獨活各壹分

檳榔

天麻

麻黃去節

甘草炙各半分

右剉散每服半錢水煎於內加南星末密調可貼

額門

木通散 治小兒肝心有熱驚悸用此藥瀉肝風降

心火利驚熱

羌活

山梔子各貳錢

大黃煨

木通

赤茯苓

甘草各壹錢

右剉碎每服二錢入紫蘇葉些少用水一盞煎至

五分不拘時服

巴風丹 祛風退驚

驚

天竹黃

細研

防風

釣藤

各壹兩

白僵蠶

乾全蠍

白附子

各半兩

右為細末煉蜜和如芡實大每服壹粒至貳粒麝香荆芥湯化下

加味導赤散

生地黄

上

木通

上

防風

中

甘草

中

山梔子

中

薄荷葉

下

麥門冬

中

入燈心草竹葉水煎

仁齋犀角湯 治心驚熱盛

犀角

防風

木通

赤茯苓

桑白皮

炒

甘草

各等分

右剉細每三字水煎服

急驚初傳且可通關定驚搖 諸風搐搦關竅不通痰涎潮塞氣實使之先用蘇合香丸以薑自然侵薄荷湯調與服使氣下則痰下關竅自通

南星

炮

殭蠶

炒各壹錢

麝香

壹字

豬牙皂角

貳定

赤脚蜈蚣

壹條炙

右為末以手點薑汁蘸藥少許擦牙或用物引滴

文急驚

刀十二

二三

入藥兩三點涎自出口自開皂角略燒存性爲末

嚏驚散

半夏 壹錢

豬牙皂角 半錢

右爲末用一豆許用管子吹入鼻立醒

茅先生奪命散

銅青

朱砂 各貳錢

膩粉 半錢

麝香 少許

蠍尾 拾肆箇 去針

右爲末每服半錢薄荷臘茶清調下此治天釣癰

風客忤卒死撮口鵝口木舌喉痺胛顛風壅吐涎

後依證調理

錢氏涼驚丸

草龍膽

防風

青黛 各叁錢

釣藤 貳錢

黃連 伍錢

牛黃

麝香

龍腦 各壹字

麪糊丸粟米大每服三五丸金銀湯下

局方天麻防風丸 治小兒驚風身熱喘麤多睡驚

悸手足搐搦精神昏憤

天麻

防風

人參 各壹兩

甘草

朱砂

雄黃 各貳錢半

蠍尾 炒

殭蠶 炒各半兩

牛黃

有
錢
各壹
錢
各壹
錢

麝香

右為末煉蜜丸櫻桃大朱砂為衣每一丸薄荷湯

化下

三因方治陽瀉驚風熱證面赤身熱發搐直視牙緊

蘆薈

白附子

甘草

胡黃連

朱砂

膩粉

麝香

蠟梢

殭蠶

金箔

赤脚蜈蚣

右為末二歲已上服半錢金箔薄荷湯下

全嬰方睡紅散 治小兒急慢驚風手足搐搦目睛

神昏

牛黃

鵬砂

腦子

真珠

水銀

青黛

蠟尾

京墨

南星

半夏

蛇含石

金銀箔

麝香

烏蛇尾

右為末三歲一字薄荷湯下

按此治風熱痰藥通關透肌骨之劑也非風邪下

陷者不可輕用

定搐散 治小兒急驚定搐

急驚

急驚

急驚

赤脚蜈蚣

大者壹條 酒浸炙

麻黃

去節

南星

炮

白附子

直殭蠶

炒

羌活

代赭石

醋煨 萍 朱次

蠹稍

川薑黃

各貳錢

朱砂

壹錢

右為末每服一字荆芥紫蘇煎湯調下如搐不止

加烏蛇肉

順搐散

解男右女左搐不順者

枳殼

製

釣藤

去鈎

荆芥

羌活

防風

去蘆

甘草

各半

右碎每服二錢水一盞順切薑貳片煎七分無時

溫服或入薄荷同煎

瀉青丸

治竄視發搐痰熱

龍膽草

焙

梔子仁

大黃

煨

羌活

防風

各壹錢

川芎

壹錢半

右為末煉蜜丸梧子大每一丸煎竹葉泡薄荷湯

調下錢氏有當歸

羅氏鎮肝丸

治小兒急驚風目直上視抽搐昏亂

不省人事是肝經風熱也

此方瀉青之變

天竹黃

研

生地黃

當歸

竹葉

草龍膽

川芎

大黃煨

羌活

防風各貳錢半

右為細末煉蜜丸如雞頭大每服二丸沙糖水化下先服此後服天麻散

凡欲下之須當審問前人已下未下或曾經吐瀉否已下及吐瀉者不可再下但駝風化痰消熱而已大約痰熱十分且泄其三之二下劑中須用枳殼菖蒲寬心通氣之類佐之急驚急在一時治不可緩緩則候加深若一時體認不明又不可妄施藥餌急驚既已傳截風定搐次第風驚已定而痰熱下劑有之初且輕下又稍重下又加重下之劑下後和胃助氣

而後定志寧神駝風鎮驚防其再發若下後諸證猶存未易痊愈更勿再下當作慢驚推詳

急驚輕下法

防風湯 治風熱痰壅大便不通

防風

羌活

枳實各半兩

川芎

甘草炙

大黃煨各貳錢半

剉末每服三字薑棗煎

小柴胡湯加枳殼防風最利風熱解血熱免用銀粉巴硝重劑一方加大黃少許

宣風散 疎導風熱驚風痰熱四證俱備者極效

雞心檳榔

貳筒

甘草

橘紅

各半兩

黑牽牛

取末貳兩半生半炒

右為末每服半錢蜜湯調下

定命丹

治急驚天吊撮口通利痰熱

全蠍

柒筒

天麻

南星

炮

白附子

各貳錢半

朱砂

青黛

各壹錢半

輕粉

麝香

各半錢

龍腦

壹字

右為末粟米糊丸菴豆大每一丸荆芥薄荷湯調

下先研半丸吹入鼻中

疎風散

治驚風痰熱四證俱盛

檳榔

陳皮

去白各貳錢

牽牛

大黃

略煨各參錢

右為末每服半錢生蜜調下演山加杵硝一錢

保嬰方大黃黑牽牛白牽牛三味各半生半熟檳榔各半兩細末蜜湯調痰多加輕粉

演山治四證已作八候末具截風丹

全蠍

去毒炒

僵蠶

炒

白附子

炮

南星

炮

天麻

各貳錢半

朱砂

壹錢

赤足蜈蚣

壹條酒炙

麝香

壹字

右為末煉蜜丸梧子大每服三丸金銀薄荷湯化

下

定搐散 治急驚四證八候併作

天麻

白附炮

南星炮各半兩

蠟梢炒

白花蛇頭酒炙各貳錢半

朱砂

雄黃

乳香各壹錢

代赭石壹兩米醋淬煨七次

赤脚蜈蚣壹條酒炙

龍腦

麝香各壹字

右為細末每服半錢金銀薄荷湯下煉蜜丸調亦佳

牛黃清心丸 治四證八候去風痰散驚熱

南星

半夏

白附

川烏各壹兩並洗

川鬱金半兩

右五味為麤末用臘月黃牛膽兩三枚取汁和藥入膽中札懸當風處一月乾取出入添馬牙硝朱砂雄黃鵬砂各壹錢腦麝少許如膽藥壹兩硝砂四味各壹錢稀麵糊丸麻子大金銀薄荷湯下一歲十九二歲倍之

鄭氏比金丸 治急驚壯熱喘麤痰嗽大小便不利

輕粉

滑石各錢半

南星壹錢壹字

青黛半錢

爲末稀糊丸小豆大一歲二九薄荷湯調下急驚
頭熱足冷口噤面青痰厥加一丸桃皮湯下名桃
符丸疎流蘊積涎熱瘡痘餘毒宜服又去青黛加
蝎梢半錢名小青丸同治

利驚丸 急驚痰熱潮搐

輕粉

青黛 各壹錢

牽牛末 半兩

天竹黃 貳錢

右爲末糊丸或煉蜜丸小豆大薄荷湯化下

太白散 急驚搐搦涎盛

粉霜 貳錢

輕粉

白牽牛 炒各壹錢

右爲末每服一字薄荷湯調吐痰効

防風丸 治驚風痰熱神昏驚悸

天麻

防風

人參

川芎 各壹兩

全蝎

甘草

僵蠶

朱砂

雄黃

牛膽南星 各貳錢伍分

右爲末蜜丸雞頭大每一丸薄荷湯下

保嬰方全蝎散

治急慢驚風發搐服之神効 急慢二證

加減方法在內製法更佳

全蝎

貳拾肆箇新薄荷葉包以竹夾住於慢火上炙數次或乾薄荷葉酒浸開包炙亦可

女急驚

乃斗二

三七

僵蠶半兩炒去絲嘴用薄荷依法炙

南星壹兩取末以生薑壹兩切片新薄荷葉貳兩同搗和捏作餅曬乾

如急驚不用南星加大黃壹兩煨若慢驚不用

大黃加製南星

白附子炮參錢 防風去蘆文 天麻

甘草炙 硃砂木飛 川芎各半兩

右為末一歲兒服一字二歲兒服半錢薄荷湯調

下量大小歲數加減身熱發搐煎後火府散調慢

驚吐瀉後發搐生薑湯調急驚搐煎火府散加大

黃湯調

火府散 面赤咬牙發熱唇口乾燥小便赤澀一切

虛實邪熱竝治

生地黃 木通各壹兩 黃芩

甘草炙各半兩

右咬咀每服二錢水煎溫服無時

湯氏金星丸 治急驚壯熱痰壅大便不通

鬱金末 雄黃各貳錢半 膩粉半錢

巴豆柒箇取霜

右為末醋糊丸黍米大一歲二丸薄荷湯下

茅先生朱砂膏 治驚熱驚積

朱砂 半兩

鵬砂

馬牙硝 各參錢

真珠 壹錢

玄明粉 貳錢

龍腦

麝香 各壹字

各研拌久自成膏如諸驚黃豆大金銀薄荷湯化潮熱甘草湯狂躁惡叫生地龍自然汁月內兒調塗乳頭令吮

大黑龍丸 治小兒急慢驚風神効

膽星

礞石 備煨各壹兩

天竺黃

青黛 各半兩

蘆薈 貳錢

辰砂

蜈蚣 燒灰壹錢半

僵蠶 伍分

右為末甘草汁為丸如雞頭大每服一丸或二丸

薑蜜薄荷湯下如慢驚用桔梗白朮湯下即愈

小黑龍丸 治小兒急驚輕者

青礞石 煨壹兩

青黛 壹錢

蘆薈 壹錢半

膽星 壹兩

右為極細末甘草湯為丸如雞頭大每一丸薑蜜

薄荷湯下

右二方礞石膽星治痰之劑為君痰多者宜之

急驚重下法

謝氏奪命丹 治急驚不省人事眼定不動牙關不

開唇白并黑者

南星

半夏各肆錢為末並以生薑汁和作餅子曬乾

真珠新白者

巴豆去油淨 朱砂肆錢

金箔

銀箔各拾片 輕粉

麝香各半錢

右各為末和勻飛羅麪打糊為丸如黍米大每一

歲兒一丸燈心湯下

比金丸 治小兒風熱丹毒急慢啞驚

前奪命丹中減去金銀箔加真鬱金末叁錢丸如

上法

利驚丸

前比金丸中去鬱金加腦子半錢白頸蚯蚓壹條

用刀截斷首尾兩頭齊跳者用之去土秤二錢丸

服如上法

按此三方導痰藥也白餅子加減法

演山青金丸 治驚風痰熱四證壅盛

巴霜半錢 青黛貳錢 南星半兩

輕粉壹錢 滑石 全蝎去毒炒

右為末稀糊丸如麻子大一歲五丸二歲七丸大

小加減薄荷茶清下以通為度一方加白附子

文身心散為

刀科二

三三

驚
真珠天麻丸 治驚風痰熱壅盛及疇腸鎖肚撮口

絕効

南星 炮

天麻

白附子 炮各壹錢

膩粉 半錢

巴霜 壹字

蕪荑 炒

全蝎 麩炒

滑石 各壹錢半

右為末糊丸粟米大一歲五七丸二歲十丸大小

加減薄荷湯點茶清送下

鄭氏驅風膏 肝風筋脉拘急面紅目青眼上驚搐

及胎風

辰砂

蝎尾

當歸

龍膽草

川芎

山梔仁

大黃

羌活

防風

甘草 各壹錢

右為末入麝香壹字煉沙糖丸雞頭大二歲三丸

薄荷竹葉密湯化下

睡安散 治急慢驚風潮搐不得安睡

辰砂 水飛

乳香

血竭 各壹錢並細研

麝香 研半錢

人參

酸棗仁 炒

南星 炮

白附 各半兩

全蝎 貳拾壹枚

蜈蚣 壹條酥炙黃酒浸一宿

驚風急驚

方科二

三三

右為末壹歲壹字薄荷汁好酒煎沸調下得睡効

蛇頭丸 治急慢驚風涎搐搦來去不問陰陽二候

蛇頭 壹箇

赤足蜈蚣 叁條 朱砂 叁錢

鉛白霜

輕粉 各貳錢

龍腦

麝香 各壹錢

鐵液粉

百草霜 各半兩

蛇含石 壹兩

一方加全蝎 壹分

右為末米糊丸雞頭大三歲半丸薄荷湯磨下一

方慢驚加附子半兩去皮尖血竭壹分

直指天麻丸 利驚下痰吊腸鎖肚撮口可通用

南星 炮貳錢

白附 炮

馬牙硝

天麻

川靈脂

全蝎 炮各壹錢

輕粉 半錢

巴霜 壹字

右為末稀糊丸麻子大每一丸薄荷薑錢泡湯送

下

右重下之劑惟上壅下閉血氣充實脉沉而有力

者宜之又閻氏所謂候搐勢定下其痰熱之類是

已

利驚後調胃助氣定志寧神防作慢驚

直指銀白散 助胃驅風嘔吐作慢驚候者通用

蓮肉

扁豆 炒

白茯苓 各壹分

人參

天麻

白附子炮

全蝎炒

木香

甘草炙

霍香半分

陳米炒香
參錢

一方加白木壹分

右為末每一錢薑錢一片入冬瓜子仁七粒同煎

或陳米調下

醒脾散大醒脾散王氏惺惺散皆和胃助氣可通用

三方見慢驚

定志丸 治驚風已退神志未定以此調之御院有

乳香

琥珀

茯神

遠志肉薑製
焙

人參

白附子炮

天麻

天門冬去心

甘草炙

酸棗仁炒

右為末煉蜜丸皂子大朱砂為衣每服一丸燈心

薄荷湯調下

溫膽湯 治驚悸煩痰

製半夏

枳實炒

酸棗仁湯浸去殼
各貳錢半

白茯苓半兩

陳皮去白

甘草各壹
錢半

右剉散每服一錢入竹茹少許薑棗煎

加味地黃丸

地黃捌兩

山藥

山茱萸各肆
兩

驚

澤瀉

菴活

牡丹皮

防風

茯苓

各參兩

右爲末煉蜜丸如桐子大量兒大小加減

海

五福丸治急驚風生蚯蚓一條研爛入五福化毒

丹一丸再研如泥煎薄荷湯少許調化旋灌量兒

大小加減服之

五福化毒丹

治驚熱涼心膈

生地黃

熟地黃

焙各五兩

天門冬

麥門冬

去心焙各參兩

甜硝

玄參

甘草

各貳兩

青黛

壹兩

右六味爲細末後研入硝黛煉蜜丸如雞頭大

每服半丸或一丸食後熟水化下

安神丸

治小兒驚悸熱渴心悶脉實面紅頰赤口

燥

麥門冬

馬牙硝

白茯苓

山藥

寒水石

各半兩

朱砂

壹兩

甘草

半兩

龍腦

壹字

右爲末煉蜜丸如雞頭大每服半丸沙糖水下

右四方甘寒瀉火之劑爲君小兒血氣虛而急驚

者宜之又潔古閻氏所謂候搐止勢減宜安神鎮

心之類是已

曾氏方

五苓散 解傷寒溫濕暑毒霍亂分陰陽理煩渴

澤瀉 去麤皮 貳兩半 白茯苓 去皮 豬苓 去皮

白木 各壹兩半 肉桂 去麤皮 柴錢半 不過火

右碎入桂同研為末每服一錢溫湯調下不拘時
若作咬咀用赤茯苓分兩同前每服二錢水一盞
煎七分溫服

百解散 主和解百病虛慢陰證不宜

乾葛 貳兩 升麻 赤芍藥 各貳兩

黃芩 壹兩 麻黃 製表柴 錢半 薄桂 去麤皮 貳錢半

甘草 壹兩半

右碎每服二錢水一盞薑二片葱一根煎七分無
時溫服有風熱盛加薄荷同煎

木通散 主上膈熱小腑閉煩躁生嘔及淋證諸瘡

丹毒

木通 去皮 節 地菡蓄 去老梗 各半兩 大黃

甘草 赤茯苓 去皮 各參錢 瞿麥 去幹 根

滑石 末 山梔仁 車前子

黃芩 各貳錢半

驚 卷之二

右件咬咀每服二錢水一盞燈心三莖煎七分無時溫服或入薄荷同煎

三解散 主上焦蘊熱傷風面紅目赤狂躁氣急渴

水驚啼煩悶丹毒口瘡痰嗽搐掣

人參 去蘆 防風 去蘆 天麻

茯神 去皮木根 鬱金 無以山梔仁代 白附子

大黃 各錢半 赤芍藥 黃芩

殭蠶 各伍錢 全蝎 拾伍尾去尖毒 枳殼 水浸潤去穰剉片麩

炒微黃 粉草 陸錢

右碎焙為末每服半錢至一錢用溫薄荷湯無時

調下或燈心湯

牛蒡湯 主傷風發熱煩躁鼻塞氣喘痰嗽驚啼及諸瘡赤紫丹毒咽喉腫痛

牛蒡子 參兩畧炒研碎 大黃 壹兩半 防風 去蘆

薄荷 去老梗各壹兩 荆芥 去根老梗肆兩 甘草 壹兩壹錢半

右件咬咀每服二錢水一盞煎七分無時溫服

防風湯 治急驚後餘熱未退時復手足搐掣心悸

不寧及風邪中入肝經兩目視人開眈不常

防風 去蘆 川芎 大黃

白芷 黃芩 甘草 各半兩

急驚 切十二 三

驚
名和

細辛 去葉 貳錢
薄荷葉 貳錢

右件剉焙為末每服一錢用溫湯無時調服

半夏丸 治痰證神効若驚搐後風涎潮作服之神

効

半夏 生用 貳兩
赤茯苓 去皮
枳殼 製各 壹兩

風化朴硝 貳錢

右前三味為末入乳鉢同朴硝杵勻用生薑自然
汁煮糯米粉為丸棗豆大每服三十九至五十九
仍以淡薑湯食後臨睡送下兒小者丸如粟殼大

自
見

寬氣飲 主通利關節除胃膈痞結消痰逐水進美

飲食及治蓄氣而成搐傳變急慢驚風氣逆不和

精神昏倦

枳殼 水浸去穰 製同上
枳實 各壹兩
人參 去蘆

甘草 炙各 半兩

右剉焙為末每服半錢至一錢淨湯無時調服驚

風發搐薑汁葱湯同調熱極者入寬熱飲薄荷蜜

湯調下或麥門冬湯

五和湯 主宣利藏府積熱調和榮衛

當歸 酒洗
赤茯苓 去皮各 半兩
甘草 炙

驚

刀

三

大黃

枳殼

水浸潤去穢剉片麩
炒微黃各半錢半

右件咬咀每服二錢水一盞煎七分無時溫服

覓熱飲

方見
發熱

茯神湯 治心氣不足虛而驚悸日常煩哭及嬰孩

生下羸瘦多驚宜子母同服自然有效

茯神

去皮木
根壹兩

人參

去蘆

當歸

去蘆尾酒
洗各半兩

甘草

炙貳
錢

右件咬咀每服二錢水一盞煎七分無時溫服有

微熱煩躁入麥門冬去心同煎

鎮驚丸

主急慢二驚風痰上壅手足抽掣口眼喎

斜煩躁生嗔精神昏悶常服寧心鎮驚疎風順氣

人參

去蘆
參錢

粉草

半生
半炙

茯神

去皮
木根

僵蠶

去絲

枳殼

同前製
各伍錢

白附子

南星

製

白茯苓

去皮

鵬砂

牙硝

壹字

朱砂

水飛各
貳錢半

全蝎

拾尾去
尖毒

麝香

壹字

右除牙硝鵬砂麝香朱砂四味用乳鉢細研餘九

味焙爲末入乳鉢內和勻前四味用糯米粉水煮

清糊爲丸梧桐子大就帶潤以銀硃爲衣每服三

丸至五丸或七丸急驚用溫茶清磨化服慢驚以

生薑熟附子煎湯研化温服薄荷湯化下或麥門冬湯

截驚丸 治驚風搐掣煩躁有熱兩目上視口禁牙

關

龍膽草 去蘆 防風 去蘆 青黛

釣藤 和鉤 黃連 淨 牛黃

甘草 硃砂 水飛各伍錢 薄荷葉 貳錢半

麝香 半錢

右除牛黃麝香外餘八味剉炒為末仍同前二味乳鉢內杵勻煉蜜丸如芡實大每用一九至二九

温湯化服或茶清

硃砂膏 主五心煩熱喉痰壅盛驚風搐搦渴飲無時睡中不寧見人煩躁口瘡糜爛

硃砂 水飛伍錢 馬牙硝 鵬砂

玄明粉 各貳錢半 麝香 壹字 金箔

銀箔 各拾伍片 白附子 枳殼 炒微黃各叁錢

川芎 粉草 各肆錢 人參 去蘆

黃芩 薄荷葉 各貳錢

右前七味入乳鉢細研後七味剉焙為末仍入鉢中同前藥和勻煉蜜丸芡實大每服一九至二九

驚 用麥門冬熟水無時化服

不驚丹 治因驚氣而吐逆作搐痰涎壅塞手足掣

縮目睛斜視常服疎風順氣自不作驚和脾胃進

飲食

枳殼 去穰麩炒 微黃壹兩 淡豆豉 焙乾 南星

茯神 去皮根木 各半兩 蝎稍 伍拾尾 去尖毒 淨蕪荑 貳錢半 先入乳

鉢內極 細研爛

右除蕪荑外餘五味焙為末再同蕪荑乳鉢內杵

勻醋煮糯米粉糊為丸周歲內嬰孩粟穀大每服

三十丸至五十丸乳汁下三歲以上者麻仁大每

服五十丸及六十丸温米清湯下候一時得吃乳

食

薛氏方

四物湯 見吐 血

六味丸 即補腎 地黃丸

柴胡清脾散

參朮柴苓湯

中抽搐徧身作癢飲食少思

人參

陳皮 各壹 錢

柴胡

升麻 各柒 分

四君子湯

瀉白散 見肺 臟

梔子清肝散 並見 發熱

治肝經風熱脾土受尅其證善怒睡

白朮

茯苓

驚急驚

刀針二

四三

山梔炒捌分

釣藤鈎壹錢

甘草炒伍分

每服一二錢薑棗水煎

安神鎮驚丸 驚退後調理安心神養氣血和平預

防之劑也

天竺黃另研

人參

茯神

南星薑製各伍錢

酸棗仁炒

麥門冬

當歸酒洗

生地黃酒洗

赤芍藥炒各叁錢

薄荷

木通

黃連薑汁炒

山梔炒

辰砂另研

牛黃另研

龍骨煨各貳錢

青黛壹錢另研

右為末蜜丸棗豆大每服三五丸量兒大小加減

淡薑湯送下

慢驚 慢驚之候或吐或瀉涎鳴微喘眼開神緩睡則露睛驚跳搐搦乍發乍靜或身熱或身冷或四肢熱或口鼻冷氣面色淡白淡青眉唇間或青黯其脉沉遲散緩蓋由急驚過用寒涼或轉太驟傳變成之又或吐利不止而成者有氣虛暴吐瀉而成者有夏月脾胃伏熱大吐瀉當解暑熱不可專曰固陽有藏虛洞洩成者有久痢氣脫而成者有下積取瀉成者有吐血瀉血而成者有傷寒傳變陰證成者有得之久

慢驚

切

四

嗽作癰者有得之發癰不已者有得之蟲積衝心者
有得之卵腫疝氣腹痛其或汗出太過脾困煩渴四
肢浮腫大小便閉走馬急疝並傳慢候惟吐瀉積痢
成虛致之則證變甚速凡纔經吐瀉便是慢驚須用
溫中扶裏或搐來緊急乃慢驚初傳尚有陽證不可
誤作急驚用藥世言搐慢爲慢驚非也若泥此往往
指慢脾爲慢驚矣凡慢驚男子以瀉得之爲重女子
以吐得之爲重又吐有五證瀉有五證各明所因主
治古云病家怕驚不怕瀉醫家怕瀉不怕驚如因洩
瀉不止且先治瀉若更治風則驚風愈甚如因他證
例當循原施治也其慢驚候若從急驚傳來只可截
風調胃均平陰陽不可全用陽藥使陽歸陽復作急
驚之候用藥施治無過不及可也 急驚以關格不
通略施腦麝開通定其搐搦尚可慢驚陰重陽虧諸
經已虛不宜通關又涼其藏易作慢脾風慢驚危急
如眼睛昏定定而眨雖眨不左右顧或窺視四肢厥
冷汗出如流口面黧黯指甲黑四體垂躄至重慢驚
證眼半開半合似睡不睡是也其脉或浮或沉身或
熱或涼或吐或瀉或不吐瀉或食乳或阻乳名半陰
半陽合病卽如傷寒半表半裏也 治法大要審問

源流施治不可槩曰慢驚證如因吐瀉得之用湯氏
醒脾散之類他證可以類推次第於後然慢驚已傳
屬陰亦須準較陰陽虧盛淺深不可溫燥之劑太過
錢慢驚因大病後或吐瀉或只吐不瀉變成脾胃
虛損遍身冷口鼻氣出亦冷手足時瘈瘲昏睡露睛
此無陽也宜括萋湯主之 東都王氏子吐瀉諸醫
用藥下之至虛變慢驚其候昏睡露睛手足瘈瘲而
身冷錢曰此慢驚也與括萋湯其子胃氣實即開目
而身溫王疑其子不大小便令諸醫以藥利之醫留
八正散等數服不利而身復冷令錢氏利小便錢曰
不當利小便利之必身冷一二日果身冷矣因抱出
錢曰不能食而胃中虛若利大小便則脾胃俱虛當
身冷而閉目即死今幸胎氣實而難衰也錢氏用益
黃散史君子丸四服令微能飲食至日午果能飲食
所以然者謂利大小便脾胃虛寒當補脾不可別攻
也後又不語諸醫作失音治之錢曰既失音何開目
而能飲食又牙不緊而口不噤也諸醫不能曉以地
黃補腎錢曰此因用涼藥利小便致脾胃俱虛今脾
已實腎尚虛故補腎必安治之半月而能言一月而
痊 潔慢驚者陰證俱藏受病蓋小兒吐瀉病久脾

胃虛損若不早治則成慢驚名曰瘵瘵似搐而不甚
搐也因脾胃虛損故大便不聚當去脾間風先用宣
風散等之後用益黃散史君子丸平之則其利自止
既已失治則脾胃俱虛致被肝木所乘是為慢驚當
用溫補羌活膏主之 垣閻孝忠編集錢氏方以益
黃補土悞矣其藥有丁香辛熱助火火旺土愈虛矣
青橘皮瀉肺金丁香辛熱大瀉肺與大腸脾實當瀉
子今脾胃虛反更瀉子而助火重虛其土殺人無疑
矣其風木旺證右關脈洪大掌中熱腹皮熱豈可以
助火瀉金如寒水來乘脾土其病嘔吐腹痛瀉痢青
白益黃散聖藥也今立一方先瀉火補金大補其土
是為神治之法以黃耆二錢人參一錢炙甘草五分
加白芍藥一錢此四味皆甘溫能補元氣甘能瀉火
內經云熱淫於內以甘瀉之以酸收之白芍藥酸寒
寒能瀉火酸味能瀉肝而大補肺金所補得金土之
位金旺火虛風木何由而來尅土然後瀉風之邪夫
益黃散理中丸養神之類皆治脾胃寒濕大盛神品
之藥也若得脾胃中伏火勞役不足之證及服熱藥
巴豆之類胃虛而成慢驚之證用之必傷人命夫慢
驚風者皆由久瀉脾胃虛而生也錢氏以羌活膏療

慢驚風候矣脾虛者由火邪乘其土位故曰從後來者為虛邪火旺能實其木木旺故來尅土當於心經中以甘溫補土之源更於脾土中瀉火以甘寒更於脾土中補金以酸涼致脾土中金旺火衰風木自虛矣
海驚啼手足瘳癢睡卧不穩四君子加全蝎去尾尖毒炒鈞藤白附子炒等分同煎 脾胃虛弱生風多困四君子加炒半夏麴沒石子等分為細末入冬瓜子少許同煎服 丹頻吐瀉將成慢驚用錢氏白朮散加山藥扁豆炒肉豆蔻麴煨各壹錢入薑壹片煎服若慢驚已作加細辛天麻各壹錢全蠍三箇

去稍白附子八分麴煨驚而瀉用參苓芍藥酒炒白朮薑煎夏月加黃連甘草竹葉服之 曾治慢驚者考之古書亦無所據惟載陰癰而已蓋慢驚屬陰陰主靜而搐緩故曰慢其候皆因外感風寒內作吐瀉或得於大病之餘或傳誤轉之後目慢神昏手足偏動口角流涎身微溫眼上視或斜轉及兩手握拳而搐或兼兩足動掣各辨男左女右搐者為順反此為逆口氣冷緩或頤門陷此虛極也脉沉無力睡則揚睛謂兩目半開半合此真陽衰耗而陰邪獨盛陰盛生寒寒為水化水生肝木木為風化木尅脾土胃為

卷之十一
方十一

脾之府故胃中有風痠痿漸生其痠痿證狀兩肩微聳兩手垂下時復動搖不已名爲慢驚宜以青州白丸子蘇合香丸入薑汁杵勻米飲調下虛極者加金液丹次用冲和飲同七寶散水煨薑煎服使氣順風散少解吐瀉間以胃苓湯救其表裏若吐不止可投定吐飲瀉不減宜服六柱散或曰生湯去胃風定痠痿清神氣五苓散導其逆調榮衛和陰陽若痰多唇白四肢如冰不省人事此虛慢之極用固真湯速灌之以生胃氣胃氣既回投醒脾散沉香飲調理

證

搐搦乍發乍靜或身熱身冷面淡青白或眉唇青赤其脉遲沉而緩是也稟賦不足或久病脾虛及常服尅伐之藥者多致此證若因土虛不能生金金不能平木木來侮土而致前證者以五味異功散加當歸酸棗仁佐以釣藤飲子補土平木若脾土虛寒者用六君子加炮薑木香不應急加附子以回陽氣蓋陰血生於脾土宜四君子當歸酸棗仁凡元氣虧損而至昏憤者急灸百會穴若待下痰不愈而後灸之則元氣脫散而不救矣

慢脾風慢脾風之候面青額

汗舌短頭低眼合不開睡中搖頭吐舌頻嘔腥臭噤

口咬牙手足微搐而不收或身冷身温而四肢冷其
脉沉微陰氣極盛胃氣極虛十救一二蓋由慢驚之
後吐瀉損脾病傳已極總歸虛處惟脾所受故曰脾
風若逐風則無風可逐若治驚則無驚可治但脾間
痰涎虛熱往來其眼合者脾困氣乏神志沉迷痰涎
疑滯而已然慢脾之名又曰虛風小兒或吐或瀉之
後面色虛黃因虛發熱纔見搖頭斜視昏困額汗身
亦粘汗聲沉小而焦卽脾風之證不必皆因急慢風
傳次而至又當識之又慢脾之候言脾而不言胃何
也蓋胃爲腑屬陽非若脾乃陰臟也故小兒病傳在
腑多自愈在臟不可不治蓋小兒純陽之氣在腑爲
順在臟爲逆古人皆理其臟未言治腑也又腎一臟
常主虛不可攻治若腎臟有患但清心肺緣心與腎
卽旣濟也肺與腎又子母也無與腎藥及諸補藥也
慢脾惟吐與瀉積與痢傳入慢候其證變至速虛又
速也治必循次平和無令速愈之理藥和且平調脾
養胃不可過劑也錢氏有黃土湯以土勝水木得其
平則風自止以脾土爲本也 治法大要生胃回陽
若眼半開半合手足不冷證候尚在慢驚則勿用回
陽或已入慢脾而陽氣未甚脫者亦未可卽用硫黃

附子等劑手足漸煖仍以醒脾散等調之
曾氏用青金丹天麻飲灌服或六柱散固真湯

錢氏方

瓜蒌湯

瓜蒌 貳錢

白甘遂 末壹錢

右同於慢火上炒焦黃研勻每服 字麝香薄荷

湯調服

右瓜蒌湯錢氏治慢驚法脉有力者宜用蓋濕痰積於膈中使風火不得開發而身冷故用瓜蒌湯劫去濕痰使風火得伸而身溫搐止若脉無力者

不宜用之便當補脾及溫白丸菴活膏之類

青州白丸子 治小兒驚風大人諸風

半夏 生柒兩

南星 生叁兩

白附子 生貳兩

川烏 生半兩 去皮臍

右為末以生絹袋盛井花水攪出如未出者更以手揉出如有滓更研再入絹袋攪盡為度於磁盆中日曬夜露至曉撇去舊水別用井花水攪又曬至來日早再換新水攪如此法春五日夏三日秋七日冬十日去水曬乾後如玉片研細以糯米粉煎粥清丸菴荳大每服三五丸薄荷湯下癱風酒

下並無時

異功散温中和氣治吐瀉不思食吐瀉方見

温白丸 治小兒脾氣虛困泄瀉瘦弱冷疝洞利及

因吐瀉或久病成慢驚瘈瘲

天麻生半兩

白殭蠶炒

白附子生

天南星剉湯洗焙乾各壹兩

乾蠍去毒壹錢

右為末湯浸寒食為丸如菉豆大仍於寒食麪

中養七日取出用每服五七丸至二三十丸空心

生薑米飲下量病勢漸加丸數服之寒食麪謂寒食日煮喫麪

取之以焙乾貯用也

釣藤飲子 治吐利脾胃氣弱虛風慢驚

釣藤柒錢半

蟬殼

防風去蘆

人參去蘆

麻黃去節

白殭蠶炒黃

天麻

蠍尾炒去毒各半兩

甘草炙

川芎各貳錢伍分

麝香壹錢另研

一方有蟋蟀參

簡去頭足炙黃

右為末每服二錢水一盞薑三片煎六分温服量

多少與之寒多者加附子半錢服無時

羌活膏 治脾胃虛或吐瀉後為慢驚者亦治傷寒

無不効

煎
五示二

防風 去蘆

川芎

人參 去蘆

白附子 炮

赤茯苓 去皮各半兩

天麻 壹兩

白僵蠶 湯浸炒黃

乾蠍 炒去毒

白花蛇 酒浸焙各壹分

川附子 炮去皮臍

麻黃 去節各叁錢

肉豆蔻

沉香

母丁香

藿香葉

木香 各貳錢

輕粉

真珠末

牛黃 各壹錢伍分

龍腦 半字

麝香

辰砂

雄黃 各壹錢已上七味各另研
羌活 半兩

右爲細末煉蜜作劑旋丸如荳大每服一二丸食前服或薄荷湯或麥門冬湯化下實熱急驚勿服

性溫故也

海藏返魂丹

治小兒諸癩癩潮發瘰癧口眼相引

項背強直牙關緊急目直上視及諸病久虛變生

虛風多睡者因荏苒不解速宜服之

烏犀 剉屑貳兩

水銀

天麻 酒洗焙乾

檳榔 各半兩

僵蠶 去絲嘴微炒

硫黃 半兩研末入水銀置

磁石蓋內慢炒成沙火要着緊慢

白附子 炮

川烏 炒通赤留煙少許入碗內以蓋子蓋上新土圍之待冷取出

獨活 去蘆

乾蠍 炙

草薢 炒各壹兩

肉桂 去麁皮

當歸 酒浸焙乾炒

細辛 根

文鳥慢驚

刀斗二

五三

防風 去蘆

天南星 薑汁煮軟炒黃阿膠 杵碎

藿香 洗去土

烏蛇 酒浸一宿炙熟去皮骨

沉香

槐膠

羌活

白花蛇 酒浸一宿炙熟去皮骨

麻黃 去根節

半夏 薑汁浸三宿炒

羶羊角 鎊

陳皮 去白炒已上各壹兩

天竺黃 研

木香

人參 去蘆

乾薑 炮

茯苓 去皮

蔓荊子 去白皮

晚蠶沙 微炒

敗龜板 醋酒炙黃

藁本 去土

桑螵蛸 炒

白芷

何首烏 米泔浸一宿煮焙

虎骨 酒醋塗炙黃

砂仁

白朮 泔浸一宿切焙

枳殼 炒白

丁香

厚朴 去皮薑汁塗炙各叁分

蟬殼 炒

川芎

附子 水浸泡去皮尖

石斛 去根

肉苳蔻 去殼微炒

龍腦 另研

雄黃 研水飛

硃砂 研水飛各壹兩

膩粉 另研

麝香 另研各壹錢

烏雞 壹隻去嘴翅足

狐肝 叁具二味臘片內入

瓦瓶固濟火煨赤候冷取出研用

金箔 叁拾片為衣

石藥五十八味炮製如法煉蜜合和搗三五千下

丸如桐子大金箔為衣每一歲兒溫薄荷自然汁

化下無時

右閻氏宗錢氏治慢驚法脉無力者宜之其法以

女引慢驚

刀料

五十二

青州白丸子兼異功散羌活膏温白丸釣藤飲子
之類服之至有徃徃死中得生者

湯氏法

凡吐瀉成虛風慢脾先用奪命散青州白丸子末煎
如稀糊入蜜調控下涎後服祛風醒脾等藥

奪命散方見後通治
急慢驚下

治虛風八仙散風盛者服之

白天麻

白附子

花蛇肉

防風

南星

半夏

冬瓜子

全蠍各等分

加川烏

右咬咀每服一錢水半盞薑二片棗半枚煎二分

熱服加薄荷尤佳

醒脾散 昏困者服之

白朮

人參

甘草

橘紅

茯苓

全蠍各半兩

半夏

木香各壹分

白附子炮肆箇

南星炮兩枚

陳倉米貳百粒一方無白朮半
夏加蓮肉壹錢亦可

右爲末每服一錢水半盞薑二片棗半箇煎二分

漸漸服之不可頓服頓服必吐

釀乳方

卷之四

方十二

五十四

醫方類聚卷之二十一

人參

木香

藿香

沉香

橘皮

神麩

麥芽各等分

丁香減半

右咬咀每服四錢水一椀薑十片紫蘇十葉棗三枚煎至半椀乳母食後須去乳汁盡方取服之即仰卧寢時令藥入乳之絡次令兒吮數口不可過飽此良法也如嘔定一日急宜截風服八仙散兩日後宜醒脾散如前件藥俱用不効危困可憂須診太衝脉未絕者當灸百會一穴前後髮際兩耳尖折中乃是穴也方書所載但云頂上旋毛中殊

不審有雙頂者又有旋毛不正者庸醫之輩習循舊本悞人多矣灸後即當控涎用青州白丸子木再煎如稀糊入煉蜜調奪命散良久涎下細研靈砂米飲調旋抹口中漸看退證如風盛服八仙散昏困服醒脾散常令減乳乳母服釀乳藥如此調理無不愈者間有稟受不堅五行數短者雖神聖工巧不能奪其造化矣若涎已離膈但在喉中如鋸藥不能入又不可控當用別法擦之兼搖鼻噴嚏得出次服奪命散庶免再作

擦痰方

本草綱目

卷之二十一

五十五

川烏尖

白附尖

各朱簡去皮生用

蠟蚶朱枚

石綠少許

右為末一處和勻用軟雞翎蘸藥入喉中遂漸抽出頻用帕子拭之

右湯氏治慢驚法先用奪命散白丸子控涎候涎下一回用八仙醒脾等一回令乳母用釀乳法如危極者却灸百會及擦痰法但奪命用礞石氣虛者難用必與東垣益黃散相兼服之可也

陳氏法

治慢驚風先服芎蝎散用手法幹出寒痰冷涎自不癡呆次服油珠膏後服益真湯温壯元氣時服前朴散寬上實下

芎蝎散 治小兒腦髓受風顛顛開解皮肉筋脉急服腦骨縫青筋起面少血色或腹中氣響時便青白色沫或嘔吐痰涎欲成慢驚搖足脛冷者

川芎

草撥各壹兩

細辛

半夏

酒浸一宿湯洗焙各貳錢

蠟稍去毒壹錢

右細末一週兒抄一銅錢用數沸湯調稍熱饑服如痰滿胸喉中眼珠斜視速與服若目上直視不轉睛者難救或痰氣壅塞不能嚥藥用一指於兒

猴腦勝中探入就幹去痰涎氣稍得通次用補脾益真湯或以油珠膏選用此方累世活人多矣

油珠膏 治氣逆嘔吐風痰作搐

石亭脂

硫黃中煉取如蠟者

滑石

各半兩

黑附子

炮去皮臍

半夏

酒浸一宿湯洗七次焙乾

南星

醋浸一宿湯洗七次焙乾各壹錢

右細末每服一錢用冷清薑汁半盞滴麻油一點如錢抄藥在油珠上須臾墜下却去薑汁與兒服之更用清薑汁三五口嚥下肚饑服服訖後一時方與乳食

補脾益真湯

治胎弱吐乳便清而成陰癩氣逆涎

潮眼珠直視四肢抽掣或因變蒸客忤及受驚誤服涼藥所作

木香

當歸

人參

黃耆

丁香

訶子

陳皮

厚朴

甘草

肉苳蔻

剉裹煨

草薺

茯苓

白朮

桂枝

半夏

附子

炮各半兩

全蠍

炒每服加壹枚

右咬咀每服三錢水一盞半薑一片棗一枚煎六

分稍熱饑服服訖令揉心腹以助藥力候一時方
 與乳食 渴者加茯苓人參甘草去附子丁香肉
 蔻 瀉者加丁香訶子肉 嘔吐加丁香半夏陳
 皮 腹痛者加厚朴良薑 咳嗽加前胡五味子
 去附子官桂草菓肉蔻 足冷加附子丁香厚朴
 惡風自汗加黃耆官桂 痰喘加前胡枳實赤
 茯苓去附子丁香肉蔻草菓 氣逆不下加前胡
 枳殼檳榔去當歸附子肉蔻 腹脹加厚朴丁香
 前胡枳殼

前朴散 治心腹結氣或嘔噦吐瀉腹脹痛驚悸

前胡

白朮

人參

陳皮

良薑

藿香

甘草

厚朴各等分

右剉每服三錢水一盞煎七分稍熱空心服

小兒誤服涼藥或用帛蘸水繳口因此傷動脾胃或
 泄瀉或腹脹或腹中響 小兒面少血色常無喜笑
 不看上而視下 小兒顛顛高急頭縫青筋時便青
 糞 小兒肥壯糞如清涕或如凍汁 小兒時時扎
 眼糞便青白沫有時乾硬 已上五證忽然嘔吐者
 必成陰癩俗謂慢驚是也小兒頭雖熱眼珠青白而

慢驚

五

五

足冷或腹脹而足冷或瀉而足冷或嘔而足冷或渴而足冷頭熱目赤痰塞鼻喉咽皆無根之火逆也已上五證忽然吐而作搐者名曰慢脾風速與補脾益真湯一服三錢重加蠟一枚如因驚而搐者前朴散一服三錢重加附子前胡各半錢同煎

右陳文忠治慢驚法其治之次第自成一家故另錄之以備採用其醫案所言芎蠟散油珠膏累累

取効

曾氏方

冲和飲 治感冒風寒頭疼發熱肩背拘急惡心嘔

吐腹痛膨脹兼寒濕相搏四肢拘急冷氣侵襲腰足痛疼

蒼朮 米泔水浸一宿去麤皮剉 人參 去蘆

前胡 去蘆 桔梗 炒各伍錢 枳殼 去穰炒

麻黃 去節 陳皮 去白各叁錢 川芎

白芷 半夏 湯洗七次薑汁浸曬乾炒

當歸 酒洗 薄桂 去麤皮 白芍藥

赤茯苓 去皮各壹錢半 乾薑 厚朴 去麤皮薑汁浸一宿

慢火炒乾 甘草 炙朱各貳錢

右剉每服二錢水一盞薑二片葱一根煎七分無

時溫服傷冷惡心嘔吐煨薑同煎開胃進食加棗
子煎空心溫投寒疝痛入鹽炒茱萸懷香同煎
七寶散 治時氣傷風傷寒頭昏體熱咳嗽及脾胃
肺臟不和口中腥氣異常或牙縫微有鮮血兼調
理諸病後小證得中以其品味不僭不燥為佳

紫蘇 去老梗

淨香附 各參兩

甘草

陳皮 去白

桔梗 剉炒各兩半

川芎

白芷 各壹兩

存咬咀每服二錢水一盞薑二片煎七分無時溫
服痰嗽加製半夏口腥氣入鹽煎調理諸疾加棗

子煎

六桂散 治吐痢泄瀉胃虛脾慢手足俱冷六脉沉

微

人參 去蘆

白茯苓 去皮

熟附子

南木香

肉荳蔻

白朮 六味各半兩

右碎每服二錢水一盞薑二片棗一枚煎七分不
拘時溫服

日生湯 治吐瀉痢後將傳慢驚慢脾神昏脉弱飲
食不進睡露揚睛晝輕夜重急宜投服

北南星

壹兩剉碎瓦器盛東壁土同醋煮少時濾乾切片焙

慢驚

刀斗二

驚 女系

人參 去蘆 冬瓜子仁 打碎各伍錢

右件咬咀每服二錢水一盞半薑三片慢火煎七分候温無時少與緩服投之急必吐

固真湯 主吐瀉痢後胃虛脾慢四肢口鼻氣冷沉困不省人事

人參 去蘆 附子 湯浸泡裂去皮臍 白茯苓 去皮

白朮 各貳錢伍分 山藥 去黑皮 黃耆 蜜水塗炙

肉桂 去皮 甘草 濕紙裹煨

右件咬咀每服二錢水一盞薑三片棗一枚煎七分空心温服或無時

醒脾散 主醒脾養胃止吐痢進飲食及調理病後

神昏目慢貪睡多困脉弱微有痰涎並宜投服

人參 去蘆 白茯苓 去皮 藿香葉

白朮 各伍錢 甘草 炙各伍錢 丁香 肆拾粒不見火

大南星 搗錢判作小塊紙裹水透濕炮過用 硝砂仁 肆拾粒

右碎每服二錢水一大盞薑三片冬瓜子仁伍拾粒搗碎慢火煎七分空心緩投服之急必吐

沉香飲 治吐痢後神昏倦怠飲食減少脾胃氣虛水穀不化或隨時直五心煩熱盜汗常出或聞食

心惡

女系

沉香

丁香

南木香

藿香葉

各貳錢半

陳皮

去白

白朮

半夏

湯洗七遍薑汁製

白茯苓

去皮

肉苳蔻

各伍錢

粉草

炙叁錢

右除沉香丁香木香不過火餘七味或曬或焙仍

同三味研為細末每服半錢至壹錢用紫蘇木瓜

煎湯空心調服棗湯亦好

天麻飲

治諸般風搐不省人事

天麻

明亮者

川烏

炮製去皮臍各柒錢

右剉每服二錢水一盞薑三片慢火煎若稀糊無

時勤與溫服

薛氏方

木附湯

治風濕相搏身體煩疼不能轉側不嘔不

渴大便堅硬小便自利及風證頭目眩重等證

白朮

肆兩

甘草

炒貳兩

附子

炮去皮臍壹兩

右為末入附子每服三錢薑五片棗一枚水煎服

愚按附子溫中回陽為慢脾之聖藥也如元氣未

脫用之無有不應須用每隻重壹兩叁肆錢端正

不尖底平週圍如蓮花瓣者佳否則悞用川烏也

製法切去皮尖以童便浸之秋冬七日春夏五日

每日一換浸畢切作四塊以濕草紙包數層微火
煨半日取出切開無白星為度如急用炮至裂紋
即投童便中良久浸透切片如色白再微炙之氣
脫甚者急生用亦効

太乙保生丹 治慢驚尚有陽證者

全蠍青者拾肆箇 白附子生用 真殭蠶

牛膽南星 蟬殼 琥珀

防風 朱砂各壹錢 麝香伍分

右為末米糊丸桐子大金箔為衣每服一二丸薄
荷湯化下

聚寶丹 治慢驚

人參 茯苓 琥珀

天麻 真殭蠶 全蠍炙

防風 牛膽南星 白附子生用

烏蛇肉酒浸焙壹錢 朱砂半錢 麝香少許

右為末煉蜜丸桐子大每服二丸菖蒲湯下

金箔鎮心丸 治風壅痰熱心神不寧驚悸煩渴唇

焦頰赤夜卧不安譫語狂妄

朱砂壹兩 白茯苓 人參

甘草各半兩 山藥壹兩半 片腦

蘇
卷之二

牙硝 各壹錢半

麝香 伍分

金箔 拾貳貼

草紫河車 貳錢半 黑豆煎煮

右為末煉蜜為丸每用五錢作五十九丸以金箔為衣每服一丸薄荷湯化下含化亦得

天南星散 治慢驚驅風豁痰

南星 重捌玖錢者壹箇掘地坑深尺許先用炭伍觔燒通紅以好米醋一碗灑坑中即投南星以火炭密蓋又用盆覆時許取出

右為末入琥珀全蠍各壹錢每服二字煎生薑湯

風湯下

烏沉湯 治慢驚驅風助胃

天麻 貳錢

人參

真川烏 生用

全蠍 焙

南星 焙

木香

沉香 各壹錢

甘草 炒半錢

右為末每服三五分薑水煎服

沉香散 助胃氣止吐瀉

茯苓 貳錢

沉香

丁香

木香

藿香

厚朴 製

甘草 炙各壹錢

右為末每服壹字米飲湯調下

蘇青丸

蘇青丸

蘇青丸

蘇青丸

蘇

蘇合香丸 壹分 青州白丸子 貳分

右和勻每服五分薑湯調下

銀白散 治胃虛吐瀉

糯米 炒貳兩 伍錢

扁豆 蒸貳兩

藿香 貳錢

白木 炒壹兩

丁香 貳錢

甘草 炙叁錢

右為末紫蘇米飲調下直指方加炮白附子全蠍

木香石蓮薑水煎

釣藤散 治吐利脾胃氣虛生風

釣藤鈎 貳錢

蟬殼

天麻

防風

蝎尾 去毒

人參 各半兩

麻黃

蠟蠶 炒

甘草 炙

川芎 各貳錢 伍分

麝香 伍分

右為末水煎服虛寒加附子壹錢

黑附子湯 治慢脾風四肢厥冷

附子 炒去皮 叁錢

木香

人參 各壹錢半

白附子 壹錢

甘草 炙伍分

右為散每服三錢薑五片水煎若手足既溫即止

後服

生附四君子湯 治吐瀉不思乳食凡虛冷病先與

數服以正胃氣

女醫 慢驚 慢脾風 切斗二

六十五

卷之二

人參

白朮

附子

木香

茯苓

橘紅

甘草各等分

右為末每服五七分薑棗水煎服

辰砂膏 治慢脾冷痰壅滯手足冷而微搐者

黑附子壹枚重壹兩以上者去皮臍頂上穿壹孔入辰砂末壹錢仍用附子塞之炭火

燒存性 牛膽南星兩半 白附子炮

五靈脂各貳錢半 蝎稍各貳錢半

右為末煉蜜九桐子大每服二三錢生薑汁泡湯

下

七寶辰砂丹 治風痰奇効慢驚慢脾以辰砂為主

木香佐之用開元錢一箇背後上下有兩月片者

放鐵匙上炭火內燒少頃成珠子取入盞中作一

服用木香煎湯送下人參湯亦可

觀音全蠍散 治小兒外感風寒內傷脾胃致吐瀉

不止遂成慢驚等證

全蠍貳拾壹箇 天麻炮 防風去蘆

羌活各半錢 川白芷 甘草炙

扁豆薑製 黃耆蜜炙各參錢 砂仁

赤茯苓各伍錢

慢驚風 方十一 六

驚

卷之二

右同為末每服壹錢用冬瓜仁煎湯不拘時調服

吉州醒脾散 治小兒慢驚神昏目慢多困有痰

人參 白朮 木香

白茯苓 白附子 天麻

全蠍炒 殭蠶去絲嘴炒

右剉碎每服二錢水一盞生薑三片棗一枚煎至

五分不拘時服

雜方

世治慢驚神効用壹粒丁香壹箇蠍壹字辰砂壹點血已上俱為末男用男左手中指血女用女右手

中指血蘸末擦唇上愈

本醒脾丸 治小兒慢脾風因吐利後虛困昏睡欲

生風癇

厚朴 白朮

硫黃入豆腐中煮三五沸

天麻 全蠍 防風

官桂 人參各壹錢

右為細末酒浸蒸餅和丸如雞頭大每一丸搥碎溫米飲下

蠍梢丸 治小兒胎虛氣弱吐利生風昏困嗜臥或

潮搐

文身 慢驚 慢脾風 初科二

續
卷之二

全蠍 微炒
白附子 煨裂各半兩
硫黃

半夏 薑汁製焙乾各壹兩

右為末薑汁糊丸如麻子大每服三十九荆芥湯下量兒大小加減服之

世治小兒慢驚風身冷瘈瘲方

天麻 防風 川烏

全蠍 去翅足薄荷葉包炒 南星

右咬咀等分水煎服

湯氏治慢驚方

真川烏 壹枚去皮生用 全蠍 等分

右二件咬咀分二服水二盞薑十片煎半盞旋旋滴入口中

無陰瀉即慢驚風

黑附子 生用去皮臍 南星 生 半夏 各貳錢

白附子 壹錢半

右研細井水浸七日每日換水浸訖控乾入硃砂貳錢麝香壹錢研勻每服壹字薄荷湯調下量兒加減一方用黑附子生去皮臍為末每服貳錢以水壹盞半生薑貳片煎至半盞分二服量兒加減吐者入丁香伍箇同煎空心服或水浸炊餅為丸

續
卷之二
初十

如粟米每服貳拾丸生薑湯下亦可

錢回生散 治小兒吐瀉或誤服冷藥脾虛生風成

慢驚大南星重搗玖錢已上者用地坑子壹箇深
參寸許用炭火五斤燒紅入好酒半盞在內然後
入南星却用炭火參兩條蓋在地坑上候南星微
裂取出剉碎再炒勻熟不可稍生放冷為末每服
半錢濃煎生薑防風湯調下

又方梓朴散

厚朴

半夏湯洗七次薑汁浸

右米泔三升同浸一百刻水盡為度如百刻水未

盡少加火熬乾去厚朴只將半夏為末每服五分
或一字薄荷湯調下無時

荳卷散 治小兒慢驚多因藥性太溫及熱藥治之

有驚未退而別生熱證者有因病愈而致熱證者
有反為急驚者甚多當問病幾日因何得之曾以
何藥療之可用解毒藥無不效宜此方

大荳黃卷水浸黑荳生芽是也曬乾

管仲

板藍根

甘草炙各壹兩

右為末每服半錢水煎服甚者三錢藥水內入油
數點煎又治吐蟲服不拘時

右諸家雜治慢驚其首一方用人血蘸藥末擦唇者甚効後一方解藥太過之毒尤見錢氏專人之切也

黃耆益黃散 治胃中風熱

黃耆 貳錢

人參

甘草 半生

陳皮 不去白 各壹錢

白芍藥 柒分

黃連 少許

白茯苓 肆分

右為麤末每服水二盞煎五沸去渣溫服

丹治驚而有熱者

人參

茯苓

白芍藥 酒炒

白朮

右入生薑煎服暑月加黃連生甘草竹葉煎服

陳明遠治小兒驚因脾虛肝乘之手足搐動四肢惡寒而食少方

白朮 貳錢

茯苓 壹錢

右煎湯入竹瀝熱下龍薈丸二十九保和丸二十

丸

生氣散

丁香 參字

白朮

青皮 各貳錢

甘草 炙

木香

人參 各壹錢

驚

刀科二

七

右為末每服半錢沸湯點服或用和劑方調氣散亦可

參苓白朮散 見不能食

理中湯 見吐瀉

王氏惺惺散 治小兒吐瀉脾弱內虛生驚

人參

茯苓

木香

天麻

扁豆

全蠍 全炙

陳米 炒各等分

右剉散每服二錢薑棗煎服

醒脾散 治吐瀉脾困不食痰作驚風

人參

白茯苓

白附子 炮

天麻 焙

甘草 炙

石菖蒲 一寸九節者

木香

石蓮肉

白朮 各壹錢

全蝎 焙半錢

右為末每三字薑棗煎服有熱去木香或加南星

半夏陳皮陳米

大醒脾散 治吐瀉脾困不能食痰作驚風

南星

白茯苓

淨陳皮 各壹分

全蝎 焙

甘草 炙

白附子 炮

蓮肉

人參

木香 各半分

陳倉米

貳百粒

右為末每服三字薑棗煎豎風醒脾二方通用亦可釀乳小兒胃虛不消乳食尤須節約

演山觀音全蝎散 因吐後傳慢驚候清神固氣補虛益脉開胃止吐

黃耆 人參各壹分 木香

炙甘草 蓮肉炒 扁豆炒

白茯苓 白芷 全蝎

防風 羌活各壹錢 天麻貳錢

為末每一錢棗半箇煎無時服慢脾尤宜服湯氏醒脾散 吐瀉不止痰作驚風脾困不食

白朮 人參 甘草炙

淨陳皮 白茯苓 全蝎各半兩

半夏麩 木香各壹分 白附肆箇炮

南星壹箇炮 陳倉米貳百粒

演山加天麻殭蠶無陳皮半夏陳米

右為末每服一錢水半盞薑二片棗半箇煎時時服頻則吐

直指星香全蝎散 治慢驚風已傳昏迷痰搐

南星濕紙煨 貳錢 木香 人參

淨陳皮各壹錢 全蝎炙貳箇 甘草炙半錢

剉細每服一錢入紫蘇薑棗濃煎旋以匙送下有
熱加防風

烏蝎四君子湯

四君湯加生川烏焙過全蝎為末各少許每服半
錢薑棗煎服如再服即去川烏

調氣散 治小兒慢驚之後以此調之

木香

香附子

人參

陳皮

藿香

甘草

各等分

右剉散每服二錢薑三片棗一枚水一盞溫服

定志丸

見前
急驚

右方皆以參耆白术甘草為主乃治慢驚之正藥
也

黑附湯

即前黑附子
湯無人參

金液丹

舶上硫黃

拾兩研細用磁合盛令搗分水
和赤石脂封縫鹽泥固濟曬乾
地上埋一

小甕子盛水滿安合子在
上又以鹽泥固濟以炭火煨
三日三夜候冷取出為末

右以柳木槌乳鉢研極細每服二錢生薑湯下

生附四君子湯

右以四君子湯加生附子四分之一厥逆者對加
每服一錢薑三片煎一匙送下

異功散

人參

茯苓

白朮

甘草

橘紅

木香

各等分

右剉散每服三字薑棗煎一方無木香

天麻飲

六柱散

二方並見前

大醒脾散

治慢脾風內虛昏悶不省

人參

茯苓

木香

炮

全蝎

焙

南星

炮

白朮

陳皮

石蓮肉

甘草

炙

丁香

砂仁

白附子

炮各等分

陳米

壹撮炒

右剉碎每服二錢用水一盞生薑三片棗一枚煎

至五分不拘時服量兒大小加減與服

實脾散 治脾胃虛冷吐瀉不止乳食不進慢脾等

證

人參

白茯苓

白朮

砂仁

麥芽

神麩

陳皮

石蓮肉

乾山藥

良薑

炮

青皮

冬瓜仁

各伍錢

丁香

木香

薏苡仁

炒

驚
急慢驚

扁豆 薑炒

香附子 炒

甘草 炙

陳米 炒各 貳錢

肉豆蔻 煨 貳枚

右為細末每服半錢或一錢用米湯不拘時調服

固真湯 前方見

右皆慢脾風之主藥也

通治急慢驚 急驚合涼瀉慢驚合溫補此定法也其

間有急驚涼瀉而不愈變為慢驚有慢驚溫補而不

愈變為急驚者宜用通治急慢驚藥

湯奪命散 大能控風涎不問急慢驚風痰潮壅盛

塞於咽喉其響如潮名曰潮涎百藥不能過咽命

在須臾但先用此藥入喉痰即墜下功有萬全奪

天地之造化也

青礞石 壹兩入甘窩子同煨硝壹兩炭火煨 通紅須硝盡為度候冷如金色取用

右為細末急驚風痰壅上身熱如火用生薄荷自

然汁入蜜調微溫服之良久其藥自裹痰墜下從

大便出如稠涕膠粘乃藥之功也次服退熱祛風

截驚等藥慢驚風亦以痰涎潮上塞住咽喉藥食

俱不能入醫者技窮勢迫以待其盡但用此藥以

青州白丸再研為末煎如稀糊熟蜜調下其涎即

墜入腹次服花蛇川烏全蝎蜈蚣等藥

急慢驚 方十一 二

大黑龍丸 治小兒急慢驚風神效方見急驚條

鎮驚丸 琥珀 辰砂 真珠母

青皮 甘草各貳錢半 青黛

蘆薈 柴胡 天竺黃 天麻 青礞石硝煨各半兩

乳香各壹兩 雄黃壹錢半 膽星各貳兩

右為末甘草膏丸如雞頭大慢驚參朮湯下急驚薄荷薑蜜湯下

曾氏鎮驚丸方見急驚

小兒急慢驚風

全蝎肆拾玖箇 微炒黃 辰砂半兩研極細和勻

右取蚯蚓拾條洗淨入小瓶內以溫火煨蚯蚓化為水和丸如胡椒大每服三丸用順流水化下

小兒急慢驚風

殭蠶叁條 辰砂壹粒 全蝎壹箇

真珠末壹撮

右末取蓬蒿中小蟲兒每壹箇研作壹丸如麻子大每一粒用乳汁下

保命丹本治小兒急慢驚風四肢逆冷眼直口噤涎

不止

虎睛

壹對安瓦上以瓦蓋之慢火逼乾

硃砂

半兩

全蝎

麝香

各半錢

天麻

壹分

蜈蚣

貳條去頭尾赤脚者

右為細末煉蜜丸如大豆大瓦罐貯之又入腦麝

膏定急驚薄荷蜜湯化下慢驚薄荷湯化下各三

丸

溫驚丸

一名粉江丸

南星

為末入臘月牛膽中陰乾百日為末肆兩

硃砂

壹錢半

天竺黃

壹兩

坯子燕脂

半錢

龍腦

伍分另研

右用牛膽汁和丸如雞頭大每服一丸小者半丸

沙糖水下

抱龍丸

治傷風溫疫身熱昏睡氣羸風熱痰實壅

嗽驚風潮搐及蠱毒中暑沐浴後並可服壯實小

兒宜時與服之

丹溪云抱龍丸心肝藥也

南星

如無牛膽者只將生者剉炒熟用肆兩

天竺黃

壹兩

雄黃

水飛

辰砂

另研各半兩

麝香

另研壹錢

右為細末煮甘草膏和丸皂莢子大溫水化下百

日小兒每丸分作三四服五歲兒一二丸大人三

五丸亦治室女白帶伏暑用鹽少許嚼一二丸新

汲水送下臘月雪水煮甘草和藥尤佳一法用漿水或新水浸南星三日候透煮軟三五沸取出乘軟切去皮只取白軟者薄切焙乾炒黃色取末搗兩以甘草貳兩半拍破用水二碗浸一宿慢火煮至半碗去渣漸漸傾入南星末內慢研令甘草水盡方入餘藥

琥珀抱龍丸曾氏

抱龍之義抱者保也龍者肝也肝應東方青龍木水生火所謂生我者父母也肝為母心為子母安則子安心藏神肝藏魂神既定驚從何生故曰

抱龍丸理小兒諸驚四時感冒風寒溫疫邪熱致煩躁不寧痰嗽氣急及瘡疹欲出發搐並宜可投其藥性溫平不僭不燥常服祛風化痰鎮心解熱和脾胃益精神

真琥珀

天竺黃

檀香

人參去蘆

白茯苓去皮各壹兩半

粉草參兩去節

枳殼水浸去穰麩炒微黃

枳實水浸去穰麩炒微黃各壹兩

硃砂伍兩先以磁石引去鐵屑次用水乳鉢內細杵取浮者飛過淨器內澄清去上餘水

如此法一般精製

見硃砂盡曬乾用

南星壹兩剉碎用臘月雄

黃牛膽釀經一夏

山藥去黑皮壹斤剉作小

女
通治急慢驚

刀斗二

三

金箔

百片去護紙取見成藥壹兩同在
乳鉢內極細杵仍和勻藥末用

右前拾貳味除硃砂金箔不入碾內餘拾味檀香
不過火外玖味或曬或焙同研為末和勻硃砂金
箔每壹兩重取新汲井水壹兩重入乳鉢內以杵
勻隨手丸如雞頭子大陰乾晴霽略曬日色燥甚
則拆裂宜頓放當風處取其自乾治法並用葱湯
無時化服或薄荷湯痰壅嗽甚淡薑湯下痘瘡見
形有驚溫淨湯下心悸不安燈草湯下暑天悶迷
麥門冬熟水下百日內嬰兒每丸作三次投二歲
已上者止壹丸或貳丸其品劑修合之時但缺一

味不依製度必無效矣常用瓦瓶入麝香同收毋
使散泄氣味入珍珠末壹兩合和名金珠散蓋珍
珠能鎮心寧肝墜痰尤効治法湯使同前

又琥珀抱龍丸 專治小兒急慢驚風發熱咳嗽作
搐痰喘驚悸生薑薄荷湯下 時行痘疹發熱嘔

吐驚跳白湯下 傷風發熱咳嗽鼻塞驚哭葱湯
下 因著驚發熱睡卧不寧燈心湯下 夏月發

熱嘔吐麥門冬湯下 因母發熱過乳溫熱不寧
甘草湯下 脾胃不和頭熱黃瘦懶食砂仁湯下

週歲小兒服一丸未及者半丸連進一二丸無

不効驗忌食魚腥生冷食乳者乳母同思

琥珀貳錢半包在精豬肉內煨過取出研末貳錢

牛膽南星壹兩陸錢臘月用牛膽作成者妙 僵蠶貳錢炒

雄黃 辰砂 人參

白茯苓各叁錢 天竺黃伍錢 鈎藤全用鈎子壹兩伍錢

真正牛黃伍分 真麝香壹錢

右各味不可短少分釐碾為極細末用粉甘草八

兩剉碎以水四大碗熬膏二盞入藥末為丸每一

丸五分重金箔為衣外用黃蠟包之一料 二百

丸

又琥珀抱龍丸 治病法如前

琥珀壹兩伍錢研 牛黃壹錢研 人參

檀香 白茯苓各壹兩半 硃砂研

玢珠各伍錢研 枳殼 枳實

牛膽南星 天竺黃各壹兩 山藥拾兩

甘草叁兩以上各為細末 金箔肆伯片 蜂蜜貳斤

黃蠟二十五斤

此藥一料五百丸每丸五分重專治嬰孩小兒諸驚四時感冒瘟疫邪熱煩躁不寧痰嗽氣急瘡疹欲出發搖並皆治之其藥性温平不寒不燥驅風

化痰鎮心解熱安魂定驚和脾健胃添益精神蔥
白煎湯或薄荷湯下 痰壅咳甚生薑湯下 痘
疹見形有驚白湯下 心悸不安燈心湯下並不
拘時服初生數月者每丸作四次服或三分之一
或半丸數歲者每服一丸更量兒大小加減酌用
可也

世奪命散 治急慢驚風諸藥無効此藥隨手奏功

白附子

參錢

黑附子

炮去皮臍半兩
急驚不用

南星

炮壹兩

天麻

參錢

辰砂

另研貳
錢半

防風

半夏

各半
兩

全蝎

去毒
柒枚

蜈蚣

炙壹條

麝香

半錢

僵蠶

炒
慢驚不用

右爲末三歲兒半錢薄荷生薑自然汁加好酒沸
湯各少許調服急驚加輕粉腦子各少許

太乙保生丹

見慢驚

湯治慢驚甚驗

赤脚蜈蚣

酒炙壹條

白僵蠶

炒柒條

辰砂

另研壹字

全蝎

用薄荷葉
包炙柒枚

青州白丸子

參拾丸

右爲末入麝香少許慢驚人參麥門冬湯調下急
驚加腦子牛黃各少許金銀薄荷湯調下

羅天麻散

治小兒急慢驚風及大人中風涎盛半

身不遂言語艱澀不省人事

半夏 朱錢

天麻 貳錢半

甘草 炙

茯苓

白朮 各參錢

右用水一盞入磁罐內煮藥令水乾將老薑三錢

同煮候乾為細末每服一錢五分薑棗湯調下

雄黃散 主暴中急慢驚風齁齶痰涎滿口及雨侵

閉汗不通或涼或熱坐卧生煩

雄黃 紅亮者 貳錢半

白藥 去黑皮

川烏頭 炮裂去 皮臍

草烏頭 炮裂 去皮

天麻 明亮者

川芎 伍味各 半兩

右除雄黃外五味剉焙同雄黃為末驚風痰湧每

